



Legenda Baharu Bangkit di Resorts World Genting: The National Luminous Dragon King Championship

Genting Highlands, 14 November 2025 – Nantikan kelahiran legenda baharu apabila Arena of Stars bergemerlapan dengan semangat dan kemahsyuran pada 14 Disember 2025. Resorts World Genting (RWG) mempersembahkan Resorts World Genting National Luminous Dragon King Championship, sebuah pertandingan kebudayaan baharu yang unggul dan berseri. Acara ini menghimpunkan pasukan tarian naga terbaik dari seluruh negara dalam persembahan menakjubkan yang menonjolkan kemahiran, kreativiti serta daya ketahanan para peserta.

Buat julung kalinya, 20 pasukan tarian naga terbaik Malaysia akan berkumpul demi merebut gelaran berprestij “Dragon King” sewaktu kejohanan yang akan memberi nafas baharu kepada salah satu seni persembahan paling ikonik di Asia. Setiap pasukan bakal menampilkan persembahan yang menyerlahkan keharmonian gerakan, ketangkasan fizikal dan kreativiti, disulami dengan kilauan sisik naga yang memukau, irama gendang yang menggema serta aksi akrobatik yang mengagumkan. Semuanya pasti memikat pandangan dan memukau hati para penonton.

Diilhamkan dari bimbingan Pasukan Tarian Naga dan Singa Persatuan Alumni Sekolah Menengah Katolik (Catholic High School Alumni Association Dragon & Lion Dance Troupe), kejohanan ini memperkenalkan segmen rekaan kreatif yang membuka lembaran baharu dalam evolusi seni tarian naga tradisional. Setiap pasukan diberi cabaran untuk menghasilkan dan menggabungkan elemen rekaan tersendiri bagi memperkukuh jalan cerita serta koreografi persembahan. Inovasi ini menjadikan seni tarian naga satu persembahan pelbagai dimensi yang memperlihatkan kehalusan seni, daya imaginasi dan warisan budaya, sekali gus menghidupkan kisah mempesona yang dipenuhi cahaya, gerakan dan emosi.

Dalam sidang media dan cabutan undi yang berlangsung hari ini di Wisma Genting, Spencer Lee, Naib Presiden Eksekutif Jualan, Pemasaran dan Perhubungan Awam Resorts World Genting, berkongsi bahawa kejohanan ini diilhamkan sebagai satu pesta cahaya, seni dan ekspresi budaya.

“Acara ini bukan sekadar satu pertandingan tetapi merupakan pentas di mana semangat dan imaginasi memberi nafas baharu kepada salah satu simbol budaya paling ikonik di Asia, iaitu naga. Melalui rekaan, hasil tangan dan semangat berpasukan, para peserta dari seluruh negara akan menyerlahkan semangat perpaduan dan kreativiti yang menjadi tunjang kejohanan ini,” katanya.

Sesi undian telah menetapkan turutan rasmi persembahan bagi acara ini seperti berikut:

1. Persatuan Tarian Naga Ao Feng Gong Batu 8 1/2 Skudai, Johor
2. Persatuan Kebudayaan Dan Rekreasi Kang Yuan Muar, Johor
3. Xuan Long Dragon And Lion Dance Ampang, Selangor
4. Persatuan Kesenian Dan Budaya Hua Yi, Pulau Pinang
5. Pertubuhan Kew Ong Yeah Dragon and Lion Dance, Pulau Pinang
6. Persatuan Tarian Naga & Singa Hong Teck Brickfields, Kuala Lumpur
7. Tarian Singa Kwong Ngai, Putrajaya
8. Persatuan Pendidikan Jasmani Friendship, Wilayah Persekutuan
9. Persatuan Qun Sheng Tarian Singa, Sabah
10. Kelab Tarian Singa Dan Naga Xuan Long Shi, Johor
11. Tarian Naga Teochew Eight Districts Association, Johor
12. Persatuan Penganut Agama Buddha Thai Wat Phra Buddha Jinaraja, Melaka
13. Pei De Dragon & Lion Dance Association Kajang, Selangor
14. Persatuan Kebudayaan Tarian Naga Dan Singa Chea Mien Hong Teck Ipoh, Perak
15. Persatuan Social Dan Rekreasi Hai Yang, Kedah dan Perlis
16. Malacca Gao Feng Lion & Dragon Dance Athletic Association, Melaka
17. Malaysia Tan's Lion and Dragon Dance Association, Selangor
18. Ipoh Chinese Chin Woo Athletic Association, Perak
19. Malaysia Khuan Loke Dragon & Lion Dance Association, Selangor
20. Malaysia Yahya Awal Dragon Dance Troupe, Johor

Resorts World Genting National Luminous Dragon King Championship membuka lembaran baharu dalam agenda kebudayaan negara dengan menggabungkan tradisi dan inovasi moden di mana setiap gerak tari membawa kisah tentang warisan, semangat dan keharmonian.

RWG bertekad untuk mengangkat martabat seni tarian naga ke tahap yang lebih tinggi dengan merintis pembangunan Kejohanan Naga Gemilang Kebangsaan sebagai acara kebudayaan berkonsepkan sukan. Inisiatif ini berpotensi untuk berkembang menjadi sebuah platform yang diiktiraf di peringkat antarabangsa. Usaha ini bertujuan memelihara serta mempromosikan warisan seni tradisional yang bernilai, sambil menyuntik elemen moden dan semangat kompetitif agar kekal relevan dan menarik minat generasi masa depan.

Kejohanan ini akan berlangsung dari jam 10 pagi hingga 7 malam dan diakhiri dengan majlis penyampaian hadiah. Para pemenang bakal membawa pulang wang tunai berjumlah RM9,000. RM5,000 untuk Juara, RM3,000 untuk Naib juara dan RM1,000 untuk tempat ketiga, selain trofi dan medal.

Para penonton berpeluang menyaksikan kejohanan penuh gemilang ini secara langsung di Arena of Stars. Tiket kini mula dijual pada harga RM139 untuk PS1 (tempat duduk ditetapkan) dan RM99 untuk PS2 (tempat duduk bebas), tertakluk kepada yuran pemprosesan RM4. Untuk maklumat terkini dan perkembangan terbaru di RWG, sila layari rwgenting.com dan platform media rasmi kami.

– Tamat –

Untuk sebarang pertanyaan media, sila hubungi:

Ms Mei Yeap Lee Mui

Assistant Manager
Public Relations & Media
Genting Malaysia Berhad
Tel: (603) 6105 9447
Email: mei.yeap@rwgenting.com

Ms Nur Fatin Shazreen Ismail

Executive
Public Relations & Media
Genting Malaysia Berhad
Tel: (603) 6105 9411
Email: fatin.shazreen@rwgenting.com

Mengenai Genting Malaysia

Genting Malaysia merupakan salah satu syarikat terkemuka di peringkat global dalam sektor perkhidmatan rekreasi dan hospitaliti. Tersenarai di Bursa Malaysia dengan permodalan pasaran sebanyak kira-kira RM10 bilion, Genting Malaysia memiliki dan mengendalikan rangkaian hartanah resort ikonik, termasuk Resorts World Genting (RWG) di Malaysia, Resorts World New York City, serta Resorts World Catskills dan Resorts World Hudson Valley (kedua-duanya dimiliki sebanyak 49% melalui syarikat bersekutu) di Amerika Syarikat, Resorts World Bimini di Bahamas, Resorts World Birmingham dan lebih 30 kasino di United Kingdom, serta Crockfords Cairo di Mesir. Genting Malaysia turut memiliki dan mengendalikan dua resort tepi laut yang terkemuka di Malaysia, iaitu Resorts World Kijal di Terengganu dan Resorts World Langkawi di Pulau Langkawi.

Terletak pada ketinggian 6,000 kaki dari paras laut, Resorts World Genting (RWG) adalah resort bersepadu utama di Malaysia yang terletak di puncak bukit. Resort ini menyediakan pelbagai kemudahan rekreasi dan hiburan lengkap, termasuk 10,500 bilik di tujuh hotel eksklusif, permainan kasino, taman tema, tarikan

hiburan, kedai makan dan runcit, serta pertunjukan bertaraf antarabangsa dan kemudahan konvensyen perniagaan. Dikelilingi oleh kehijauan semula jadi di kawasan bukit pertengahan, Resorts World Awana melengkapkan pengalaman premium ini dengan landskap semula jadi yang mempesona, padang golf pergunungan, laluan kembara hutan yang mencabar, serta berdekatan dengan pelbagai tarikan utama. Selain itu, Genting Highlands Premium Outlets (usaha sama antara Genting Plantations Berhad dan Simon Property Group) menambah nilai kepada pelbagai tawaran di RWG, sekali gus mengukuhkan kedudukannya sebagai destinasi utama rekreasi dan hiburan di rantau ini. Sebagai tempat kelahiran Kumpulan Genting, RWG akan menganjurkan pelbagai acara dan aktiviti promosi menarik untuk menyambut ulang tahun ke-60 Jubli Intan Kumpulan Genting, menawarkan pengalaman yang tidak dapat dilupakan kepada setiap pengunjung.

Genting Malaysia adalah sebahagian daripada Kumpulan Genting, salah satu syarikat multinasional terkemuka dan terbaik di Asia. Kumpulan Genting dipimpin oleh Tan Sri Lim Kok Thay, seorang usahawan visionari yang telah berjaya menjadikan jenama Resorts World sebagai peneraju utama dalam sektor rekreasi dan hospitaliti di Malaysia, Singapura, Amerika Syarikat, Bahamas, dan United Kingdom. Selain itu, Tan Sri Lim Kok Thay juga mempunyai pelaburan yang signifikan dalam pelbagai sektor global, termasuk ladang minyak sawit, pembangunan hartanah, penjanaan tenaga, minyak dan gas, pelayaran, serta bioteknologi.